



## D – WKOD Riglyn:

## Sifting van Personeel en Leerders

Tak: Inrigtingsontwikkeling en -koördinerings	D – WKOD Riglyn: Sifting van Personeel en Leerders	
D - WKOD Riglyn	Uitgereik: 15 Mei 2020	Hersiening soos en wanneer benodig word

Goedgekeur deur die Hoof van die Departement:



BK Schreuder  
Datum: 2020-05-15

## **D – WKOD RIGLYN: SIFTING VAN PERSONEEL (ONDERRIG EN NIE-ONDERRIG), LEERDERS EN ENIGE PERSOON WAT DIE SKOOLTERREIN BETREE**

### **1. Doel**

- 1.1 Om riglyne te verskaf aan prinsipale en SBS'e oor hoe om die siftingsproses te beheer wanneer personeel, leerders en/of ander persone die skoolterrein betree. Die siftingsmaatreëls is nodig vir die beskerming van onderwysers en leerders en om die verspreiding van of ontsmetting deur die COVID-19-virus te verhoed.
- 1.2 Die provinsiale Departement van Gesondheid het aangedui dat sifting 'n eenvoudige proses is wat nie gesondheidsamptenare of gespesialiseerde opleiding verg nie. Dit behels 'n getal vrae wat gevra moet word en temperatuursifting (indien termometers beskikbaar is). Die Departement van Gesondheid het voorts aangedui dat hulle nie die vermoë het om sifting by skole te behartig nie. Daarom moet skole beplan dat personeel die sifting doen en 'n rooster daarvoor opstel.

### **2. Beheer oor ingange**

- 2.1. Die getal ingange moet beperk word, afhangende van die beskikbaarheid van siffters.
- 2.2. Wys plekke aan waar sifting kan plaasvind. Onderwysers moet help sodat daar behoorlike beheer is.
- 2.3. Prinsipale moet toesien dat siffters die nodige oriëntering kry.
- 2.4. Siffters moet 'n masker dra en hulle hande gereeld ontsmet.
- 2.5. Niemand moet op die skoolterrein toegelaat word sonder 'n masker nie. Maskers sal deur die WKOD voorsien word – twee per onderwyser en leerder.
- 2.6. Skole kan dit oorweeg om die begintye te versprei sodat daar minder opeenhoping soggens is.
- 2.7. As leerders toue staan om vir toelating tot die skool gesif te word, moet sosiale afstand toegepas word.
- 2.8. Die WKOD sal skole voorsien van digitale termometerskandeerders, wat gebruik moet word om die liggaamstemperatuur van leerders wat binnekom te meet.
- 2.9. 'n Toepassing is ontwikkel wat met hierdie proses kan help.
- 2.10. Enigeen wat weier om gesif te word, mag nie op die skoolterrein toegelaat word nie.

### **3. Prosessuele aspekte**

- 3.1. Die volgende moet by die geïdentifiseerde ingangspunte na die skool plaasvind:
  - 3.1.1. Siftingspersoneel moet betyds aanmeld vir die siftingsproses.
  - 3.1.2. Maak seker dat alle siftingsmiddels gereed is en goed werk.
  - 3.1.3. Leerders/onderwysers moet gevra word om tou te staan om gesif te word, met inagneming van die 1,5 m sosiale afstandsvereistes.

- 3.1.4. Afmerkings op die grond/vloer kan gebruik word om met sosiale afstand te help.
- 3.1.5. Maak seker dat mense maskers dra. Niemand mag op die terrein toegelaat word sonder 'n masker nie.
- 3.1.6. Elke leerder se koors moet gemeet en aangeteken word.
- 3.1.7. Die persoon moet dan vyf vrae beantwoord (die templaet met die vrae sal aan die skool gegee word vir duplikasie). Die templaet sal die volgende vrae bevat:

Nr.	Vraag	Ja	Nee
1	Hoes jy?		
2	Het jy koors?		
3	Is jy kortasem?		
4	Is jou keel seer?		
5	Was jy die afgelope 14 dae in direkte aanraking met iemand wat alombekend die koronavirus (COVID-19) opgedoen het?		

- 3.1.8. As hierdie vrae aandui dat 'n persoon 'n gevaar inhou of as die skandeerder se lesing bo 38 °C is, moet daardie persoon versoek word om die COVID-19-blietslynnommer (Wes-Kaapse Regering 021 928 4102 of Nasionale Instituut vir Oordraagbare Siektes 0800 029 999) te raadpleeg.
- 3.1.9. Ná hierdie proses moet die persoon na die volgende punt aanbeweeg waar hy/sy hulle hande moet was of handreiniger gebruik voordat na die administrasiegebou of klaskamers voortbeweeg word.
- 3.1.10. Die inligting van alle onderwysers en leerders wat gesif is, moet aangeteken word. Die daaglikse aantekening van sifting is 'n vereiste en dit moet nagekom word.
- 3.1.11. Die skool moet die siekeboeg of enige ander kamer voorberei om onderwysers/leerders wat nie die siftingstoets geslaag het nie tydelik in te perk. Onderwysers moet versoek word om hulleself vir 14 dae af te sonder en die nodige voorsorgmaatreëls te tref om die voortgesette verspreiding van die virus te verhoed. Daar moet met 'n leerder se ouers in aanraking gekom word sodat hulle die leerder kan kom haal en versorg. Sodanige leerders moet vir 14 dae in afsondering bly en, indien nodig, 'n mediese praktisyn raadpleeg of die blietslynnommers skakel.
- 3.1.12. As die WKOD-toepassing by jou skool beskikbaar is, sal die data direk op die toepassing vasgelê word.
- 3.1.13. 'n WKOD-templaet (Dokument D1) met die siftingsvrae wat deur die persoon wat gesif word gedurende sifting ingevul moet word, word hieronder voorsien, indien die toepassing nie beskikbaar is nie. Dit kan by klaslyste aangepas word en dieselfde vrae kan gevra word.



## D1: Siftingstemplaat

Leerder/onderwyser/ander persone se naam	Graad/Klas	Datum

Temperatuurlesing: .....

Nr.	Vraag	Ja	Nee
1	Hoes jy?		
2	Het jy koors?		
3	Is jy kortasem?		
4	Is jou keel seer?		
5	Was jy die afgelope 14 dae in direkte aanraking met iemand wat alombekend die koronavirus (COVID-19) opgedoen het?		

Handtekening van siffer: .....